

objavljene tokom sudskog ili drugog postupka pred državnim organima i (5) ukoliko Davatelj usluga posjeduje pismenu dozvolu Naručiitelja usluga.

6.4. Garancija: Davatelj usluge garantuje da će svaki njegov zaposlenik biti obavješten o obavezi čuvanja poslovne i službene tajne.

POVERLJIVOST PODATAKA DAVATELJA USLUGA

Član 7.

7.1. Dostava podataka: Davatelj usluga će licima koji obrađuju podatke pružiti isključivo informacije koje se tiču poslovanja sa Naručiiteljem usluga. Podatke, uključujući lične podatke koje Davatelj usluga otkrije ili dostavi Naručiitelju usluga prilikom izvršenja Ugovora mogu da koriste ovlašteni zaposlenici Naručiitelja usluga i partneri Naručiitelja usluge koji su nadležni za obradu, dostavljanje i/ili prenošenje takvih podataka. Ti primaoci mogu biti locirani i van Bosne i Hercegovine.

7.2. Dostupnost podataka: Za vrijeme trajanja ovog Ugovora i za period od tri (3) godine po njegovom raskidu ili isteku, Davatelj usluga će voditi kompletnu i preciznu arhivu gdje će evidentirati iznose koji su dospjeli i koji su plaćeni po ovom Ugovoru.

ODŠTETA

Član 8.

8.1. Uzajamne obaveze i odgovornosti: Naručiitelj usluga se obavezuje da će pružiti sve podatke koji su neophodni za preduzimanje odgovarajućih bezbjednosnih mjera, a naročito da upozori Davatelja usluga na eventualne zakonske obaveze.

Davatelj usluga je dužan da pismeno upozori Naručioca usluga o uočenim nedostacima i propustima u funkcionisanju bezbjednosnih sistema i ukaže na potrebu preduzimanja odgovarajućih mjera kako bi se uočeni nedostaci otklonili u razumnom roku.

Naručiitelj usluga je dužan da postupi po uputstvima i sugestijama ovlaštenog lica Davatelja usluga, izdatih sa ciljem postizanja maksimalne sigurnosti.

8.2. Obavješćavanje o šteti: Davatelj usluga je dužan da bez odliaganja i u pismenoj formi obavjesti Naručiitelja usluga o svakom slučaju nastale štete.

8.3. Komisija: U spornim slučajevima, Naručiitelj i Davatelj usluga formiraće komisiju od tri člana koja će utvrditi stepen odgovornosti uposlenika Davatelja usluga. Članove komisije imenuju:

- Naručiitelj usluga – jedan član,
- Davatelj usluga – jedan član i
- Osiguravajuća kuća davatelja usluga – jedan član.

8.4. Izuzeci od obaveze Davatelja usluge: Davatelja usluga neće odgovarati za štetu koja je nastala usljed sljedećeg:

8.4.1. Davatelj usluga neće odgovarati za štetu nastalu usljed dejstva „više sile“ koja podrazumijeva bilo koju direktnu ili posljedičnu štetu, koju nije bilo moguće predvidjeti ili u potpunosti spriječiti preventivnim aktivnostima (štete nastale usljed zemljotresa, poplava, snježnog nevremena, požara i sl.), kao i štete nastale kao posljedica nemira, terorističkih akata ili oružanih sukoba.

8.4.2. Davatelj usluga neće odgovarati za štetu nastalu usljed nedostatka i propusta Naručiitelja usluga, koje i pored upozorenja Davatelja usluga izdatog u skladu sa članom 8., stav 8.1., Naručiitelj usluga nije u razumnom roku otklonio.

8.4.3. Davatelj usluga neće odgovarati ukoliko eventualna šteta nije nastala kao posljedica dokazane krivice zaposlenika Davatelja usluga.

8.4.4. Davatelj usluga neće odgovarati za štetu nastalu na osnovu povrede intelektualnih prava Naručiitelja usluga, osim ako je do toga došlo kršenjem odredbi glavnog Ugovora koje se odnose na poverljivost.